



جدوال قمبراچان خطبه جمعة

Siri 12/ 2022

(Bulan Disember Tahun 2022)

تاریخ	تاجوق	ب
2.12.2022M/ 7 Jamadilawwal 1444H	Khutbah Khas JKR Malaysia : قمبراچون لیستاری، نعمت دشوکوری	1.
9.12.2022M/ 14 Jamadilawwal 1444H	تغکو عجاب ایو باف دوقتو چوتی سکوله	2.
16.12.2022M/ 21 Jamadilawwal 1444H	منجان فنداقتن نکارا تغکو عجاب برسام	3.
23.12.2022M/ 28 Jamadilawwal 1444H	سایغن دنیا برقدد	4.
30.12.2022M/ 6 Jamadilakhir 1444H	انق ۲... سدی کسکوله؟	5.
خطبه کدوا		

فرچیتقن دبیاای:ی:



تلیفون: 04-5498088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Y.Bhg Dato' Rosli bin Othman**
Ahli Jawatankuasa Fatwa Negeri Pulau Pinang
- 3. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Mantan Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Sayangkan Dunia Berpada-pada

(23 Disember 2022M/ 28 Jamadilawwal 1444H)

الْحَمْدُ لِلَّهِ الَّذِي بَعَثَ فِي الْأُمِّيِّينَ رَسُولًا وَأَنْزَلَ مَعَهُ الْكِتَابَ بِالْحَقِّ بِشِيرًا وَنَذِيرًا
وَهَدَى لِلنَّاسِ إِلَى الصِّرَاطِ الْمُسْتَقِيمِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ مُحَمَّدًا عَبْدُهُ
وَرَسُولُهُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَالتَّابِعِينَ لَهُمْ
يَا حَسَنَ إِلَى يَوْمِ الدِّينِ .

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ وَحَاسِبُوا أَنْفُسَكُمْ قَبْلَ أَنْ تُحَاسَبُوا فِي
يَوْمٍ لَا يَنْفَعُ مَالٌ وَلَا بَنُونَ إِلَّا مَنْ أَتَى اللَّهَ بِقَلْبٍ سَلِيمٍ.

KAUM MUSLIMIN YANG BERBAHAGIA,

Bertakwalah kita kepada Allah **سُبْحَانَهُ وَتَعَالَى** dalam tempoh hidup yang masih ada sebelum datangnya hari di mana harta dan anak pinak sudah tidak bermakna lagi. Hati yang tenteram dan sejahtera sahaja yang dapat memberi makna di hari tersebut. Tingkatkan ketakwaan kepada Allah dengan melakukan segala suruhannya dan menjauhi segala larangannya. Moga-moga berjaya di dunia dan di akhirat.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab yang boleh mengurangkan pahala, iaitu tindakan yang memesongkan perhatian daripada mendengar khutbah dan isi kandungannya. Ini termasuklah



perbuatan berbual-bual, tidur dengan sengaja, bermain telefon bimbit dan menggerakkan tabung kutipan semasa khatib sedang berkhotbah. Mimbar pada hari ini akan membicarakan khutbah bertajuk: **“Sayangkan Dunia, Berpada- Pada.”**

MUSLIMIN YANG BERBAHAGIA,

Jumlah penduduk Islam adalah lebih kurang 23 peratus daripada penduduk dunia. Namun ia diumpamakan seperti buih sebagaimana disifatkan oleh Baginda Rasulullah ﷺ. Sebahagian umat Islam masih dirundung malang. Kualiti ilmu, kemahiran, teknologi, produktiviti agak ketinggalan. Lebih memalukan apabila ada antara kita tidak mampu memperlihatkan akhlak dan moral yang terbaik.

Para sahabat pernah bertanya kepada Nabi, kenapa fenomena ini berlaku? Adakah umat Islam pada ketika itu sedikit? Baginda menjawab: *“Tidak!! Mereka ramai, tetapi ditimpa dua penyakit, iaitu cintakan dunia dan bencikan mati.”*

Cinta dunia bermaksud kita menjadi umat yang suka berseronok-seronok, berhibur, hidup bermewah-mewah, berpesta, dan bercakap kosong. Anak-anak muda hidup tanpa tujuan, tiada idealism perjuangan dan tidak proaktif. Ini senario umat yang lemah, lebih baik bersengketa daripada bermuafakat, lebih baik mempersoalkan hal remeh-temah daripada membincangkan soal dasar dan prinsip. Berbeza sekali apabila dibandingkan dengan zaman kegemilangan Islam, pemimpin merasa selesa jika ada yang sanggup menegur kesalahan.

KAUM MUSLIMIN YANG BERBAHAGIA,

“Hubbuddunia” atau cintakan dunia makin dirasa bahangnya oleh umat Islam akhir-akhir ini. Akibat daripada gejala sosial yang semakin hebat menyerang masyarakat kita, bermula di bandar sehinggalah ke kampung pendalaman, semuanya seolah-olah tidak terkawal. Mengapa keadaan ini semakin menjadi-jadi dalam masyarakat kita?

Sebenarnya, masalah sosial bukanlah masalah baru. Cuma bentuknya mungkin berbeza mengikut masa. Sebelum merdeka, dadah menjadi musuh nombor satu negara menggantikan ancaman komunis.

Bahkan tidak dinafikan terdapat tanda-tanda yang cukup jelas di kalangan anggota masyarakat kita yang dipengaruhi *hubbuddunia*. Ada yang lupa tanggungjawab sebagai ibu bapa yang penyayang, sebagai majikan yang baik, sebagai guru yang berdisiplin, sebagai peniaga yang amanah dan sebagai individu yang bermoral dan berakhlak. Paling menyayat hati apabila ada sebahagian muslim yang beriman sanggup menafikan iman dan akidah yang benar semata-mata kerana ingin memenuhi nafsu *hubbuddunia* ini. Firman Allah dalam surah Al- Hadid ayat 20:

أَعْلَمُوا أَنَّمَا الْحَيَاةُ الدُّنْيَا لَعِبٌّ وَلَهُمْ زِينَةٌ وَتَفَاخُرٌ بَيْنَكُمْ وَتَكَاثُرٌ فِي الْأَمْوَالِ وَالْأَوْلَادِ

Maksudnya: “Ketahuilah bahawa (yang dikatakan) kehidupan dunia itu tidak lain hanyalah permainan dan hiburan yang melalaikan serta perhiasan (yang mengurangkan), juga (hidup yang bertujuan) bermegah-megah di antara kamu (dengan kelebihan, kekuatan dan bangsa keturunan) serta berlumba-lumba membanyakkan harta benda dan anak pinak.”

KAUM MUSLIMIN YANG BERBAHAGIA,

Lihat realiti yang berlaku di negara kita. Dunia yang meraih populariti bukan dunia intelek, bukan dunia ulamak dan ilmu pengetahuan tetapi dunia hiburan, lakonan dan nyanyian. Pada masa ini, dunia menyaksikan lambakan rancangan hiburan yang melalaikan. Dari gambaran tersebut, dapatlah kita lihat masyarakat sekarang terlalu memuja dan memuji artis berbanding para alim ulamak yang bertungkus-lumus menyebarkan dakwah Rasulullah.

Andainya keadaan ini berterusan maka kualiti umat Islam sebagai umat terbaik akan tersisih. Firman Allah dalam surah Al-A'raf ayat 51:

الَّذِينَ اتَّخَذُوا دِينَهُمْ لَهْوًا وَلَعِبًا وَغَرَّتْهُمْ الْحَيَاةُ الدُّنْيَا فَالْيَوْمَ نَنْسَهُمْ كَمَا نَسُوا لِقَاءَ يَوْمِهِمْ
هَذَا وَمَا كَانُوا بِآيَاتِنَا يَجْحَدُونَ ﴿٥١﴾

Maksudnya: “(Tuhan berfirman: Orang-orang kafir itu ialah) orang-orang yang menjadikan perkara-perkara agama mereka sebagai hiburan yang melalaikan dan permainan dan orang-orang yang telah terpedaya dengan kehidupan dunia (segala kemewahan dan kelazatannya). Oleh itu, pada hari ini (hari kiamat), Kami lupakan (tidak hiraukan) mereka sebagaimana mereka telah lupa (tidak hiraukan persiapan-persiapan untuk) menemui hari mereka ini dan juga kerana mereka selalu mengingkari ayat-ayat keterangan Kami.”

KAUM MUSLIMIN YANG BERBAHAGIA,

Kita juga perlu peka dengan perkembangan media massa. Tidak dinafikan semakin kita maju, semakin banyak elemen negatif akan dibawa masuk menerusi rangkaian media yang semakin canggih.

Pakar-pakar komunikasi mengakui bahawa media adalah antara alat yang paling berkuasa dalam membantu media masyarakat. Tidak dinafikan kebanyakan filem, rancangan hiburan dan bahan maklumat yang dibawa masuk ke negara ini datangnya dari luar atau yang ditiru dari luar. Maka dengan sendirinya dibayangi budaya luar yang sebahagian besarnya songsang dan bertentangan dengan budaya Islam. Kita amat sedih apabila melihat segelintir bangsa melayu yang terkenal dengan budaya bersopan-santun, lemah lembut, berhemah tinggi, pemalu dan berakhlak mulia telah bertukar menjadi jaguh dalam banyak kes keruntuhan akhlak, rompak, bunuh, ragut dan gejala sosial yang lain.

Oleh itu marilah kita mengikut garis panduan yang telah ditunjukkan oleh Rasulullah ﷺ iaitu berpegang teguh dengan Al Quran dan Sunnah Rasulullah yang akan memandu kita ke jalan yang diredhai dan bukan sebaliknya.

Jika kita ingin tahu kedudukan kita di sisi Allah, lihat kehidupan kita dengan apa Allah sibukkan dalam 24 jam. Adakah kita sibuk mencari dunia sehingga

meninggalkan ibadah atau mencari dunia tanpa dikesampingkan ibadah?
Sabda Nabi صَلَّى اللَّهُ عَلَيْهِ وَسَلَّمَ:

الدُّنْيَا حُلْوَةٌ خَضِرَةٌ وَإِنَّ اللَّهَ مُسْتَخْلِفُكُمْ فِيهَا فَنَظِرٌ كَيْفَ تَعْلَمُونَ

Maksudnya: “Sesungguhnya dunia itu manis dan hijau, dan sesungguhnya Allah menjadikan kamu khalifah untuk mengelola apa yang ada di dalamnya, lalu Dia melihat bagaimana kamu perlakukan.”

SIDANG JEMAAH SEKALIAN,

Sebagai kesimpulan, marilah sama-sama kita menghayati intipati dari khutbah tadi:

1. Tinggalkan perkara *lagha* yang membaluti kehidupan dan pemikiran kita.
2. Tingkatkan kualiti iman dan produktiviti dalam segenap aspek ibadah.
3. Letakkan dunia di tangan bukannya di hati.

Firman Allah dalam surah Lukman ayat 33:

يَا أَيُّهَا النَّاسُ اتَّقُوا رَبَّكُمُ وَأَخْشَوْا يَوْمًا لَا يَجْزِي وَالِدٌ عَنْ وَلَدِهِ وَلَا مَوْلُودٌ هُوَ جَازٍ عَنْ وَالِدِهِ شَيْئًا إِنَّ وَعْدَ اللَّهِ حَقٌّ فَلَا تَغُرَّنَّكُمُ الْحَيَاةُ الدُّنْيَا وَلَا يَغُرَّنَّكُم بِاللَّهِ الْغُرُورُ ﴿٣٣﴾

Maksudnya: “Wahai sekalian manusia, bertakwalah kepada Tuhan kamu dan takutilah akan hari (akhirat) yang padanya seseorang ibu atau bapa tidak dapat melepaskan anaknya dari azab dosanya dan seorang anak pula tidak dapat melepaskan ibu bapanya dari azab dosa masing-masing sedikit pun. Sesungguhnya janji Allah itu adalah benar, makan janganlah kamu diperdayakan oleh kehidupan dunia dan jangan pula kamu diperdayakan oleh bisikan dan ajakan syaitan yang menyebabkan kamu berani melanggar perintah Allah”.

بَارَكَ اللَّهُ لِي وَلَكُمْ فِي الْكِتَابِ وَالسُّنَّةِ، وَنَفَعَنِي وَإِيَّاكُمْ بِالْآيَاتِ وَالْحِكْمَةِ، أَقُولُ قَوْلِي
هَذَا، إِنْ كَانَ صَوَابًا فَمِنَ اللَّهِ الْمَنَّانِ، وَإِنْ كَانَ خَطَأً فَمِنْ نَفْسِي وَالشَّيْطَانِ، وَأَسْتَغْفِرُ
اللَّهَ الْعَظِيمَ لِي وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ إِنَّهُ هُوَ
الْغَفُورُ الرَّحِيمُ.



خطبة كدوا بولن ديسمبر

2022M/ 1444H

الْحَمْدُ لِلَّهِ عَلَى آلائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعْظِيمًا لِحُجَّتِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِينَةَ عَرْشِهِ وَمِدَادَ كَلِمَاتِهِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ، وَاعْمَلُوا بِطَاعَتِهِ وَمَرْضَاتِهِ،
ثُمَّ ااعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرٍ بَدَأَ فِيهِ بِنَفْسِهِ؛ فَقَالَ عَلِيمًا حَكِيمًا:
إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

[الأحزاب: 56]

اللَّهُمَّ صَلِّ وَسَلَّم عَلَى عَبْدِكَ وَرَسُولِكَ مُحَمَّدٍ نِ الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،
اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعِنَايَتِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرَّبَا وَالزَّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ عَنْ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf melalui agensi milik penuh Majlis Agama Islam Negeri Pulau Pinang (MAINPP) iaitu Zakat Pulau Pinang (ZPP) dan Wakaf Pulau Pinang (WPP). Semoga sumbangan 10% daripada hasil kutipan Tabung Jumaat mingguan dari setiap masjid kepada Tabung Wakaf yang telah ditubuhkan, menjadi saham yang berkekalan manfaatnya, di dunia dan akhirat.

Ya Allah! Berilah petunjuk-Mu kepada kami dan pemimpin-pemimpin kami untuk memberikan khidmat bakti yang terbaik kepada agama, bangsa dan negara. Ya Allah! Kuatkan iman kami agar dapat menghindari perbuatan khianat, salah guna kuasa dan harta, memberi atau menerima rasuah dan segala perbuatan durjana yang merosakkan kepentingan agama, masyarakat dan negara. Jauhkan kami dari tergolong dalam golongan yang mengabaikan tanggungjawab yang telah diamanahkan.

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ! إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَى وَيَنْهَى عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٠﴾ فَادْكُرُوا اللَّهَ الْجَلِيلَ يَذْكُرْكُمْ، وَاشْكُرُوهُ عَلَى نِعَمِهِ يَزِدْكُمْ، وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١١﴾